



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola LXV. Gregorii Papae I. Ad Anthemivm Svbdiaconvm. Pastorem
quemdam infirmum oculis commendat.

urn:nbn:de:hbz:466:1-15221

potius expectare. Clericorum siquidem aliorum consuetudinem te oportet illibatam seruare, eisque annis singulis quæ sunt consueta transmittere. Nobis autem de cetero ne quid transmittere debeas inhihemus. Et quoniam non delectamur xeniis, palmatianas, quas tua direxit fraternitas, cum gratiarum actione suscepimus: sed eas, ne quod exinde potuisses sentire dispendiū, digno fecimus precio venumdari, & id fraternitati tuæ transmisiimus sigillatim. Sed quia caritatem tuam ad nos venire velle cognouimus, scriptis præsentibus admonemus, vt ad veniendum non debeas laborem assumere, sed ora pro nobis, vt quanto nos itineris interualla dissociant, tanto animis nostris adinuicem Christo adiuuante simus in caritate coniuncti; quatenus nos alterna obsecratione iuuantes, susceptum officium venturo integrum iudici resignemus.

EPISTOLA LXV.

GREGORII PAPÆ I.

AD ANTHEMIUM SVBDIACONVM.

Pastorem quemdam infirmum oculis commendat.

Gregorius Anthemio subdiacono.

Si proximorum necessitatibus habita compassione benigna mente concurrimus, nostris procul dubio petitionibus Dominum clementem reperimus. Pastorem siquidem, qui nimia visus imbecillitate laborat, habentem coniugem, duoque mancipia, qui & cum Ionatha quondam glorioso fuerat, plurimis cognouimus necessitatibus subiacere. Propterea experientiam tuam per præsentis præcepti paginam admonemus, vt pro sustentatione eius annuo tritici modios XXIII. nec non & fabæ modios XI. dare non differas, quæ postmodum possint tuis rationibus imputari. Ita ergo fac vt & tu bene ministrans mercedis & commodum percipias, & nostra ad effectum præcepta perducas.